

No. 95. 1425. 3. Oct.

*Nickel Schocher Bürger zu Pirna stiftet eine jährliche Gewandspende an arme Leute.*

Wir ratmanne gesworn der stat Pyrne Johannes Janspach dy<sup>o</sup> cziit burgermeister, syne eitgnosen Nicolaus Vinker, Peter Snebach, Nicolaus Verhe, Tÿcze Müldener, Hannus Schober, Hermannus Vöchzloch, Nickel Schocher, Nickel Scheder, Otte Schoff, Heinrich Vllhorn vnde Hans Richart bekennen —, das wir mit gutem vorrate vnser eldisten vnde myt willen vnde wissen der virmeister allir vnser hantwerker — vorkouft haben uff eynen widdirkouff dem vörsichtigen manne Nickel Schocher dem eldern vnserm liben .bürger vyr schog guter behemischer groschen czinssen, dy wir ym alle iar gebin vnde reychen sullen von vnserm rathuse uff sente Mychelstag —, sô das der genante Nickel Schocher vmbe dy vir schôg alle iar uff sente Michels tag gewant koufen sal vnde daz teilen vnde ârmen leuten lûterlichen durch gotis wille gebin, wo her erkennet arme lûte, den es not ist, zcû den her dy gunst hat. Wenn ouch got ûbir den genanten Nickel Schocher gebut vnde von todis wegen abegegangen ist, denne so sullen wir addir vnsre nochkomelinge den obgeschriben czins so von vnserm rathuse geben des genanten Schochers libes erben, daz die denne ouch alle iâr ierlichen uf sente Michelstag vmbe dy vir schog gewant koufen sullen vnde das ouch denne lûterlichen dârch gotz willen armen luten gebin, dy des benotigit sint —. Wenne ouch denne qweme, das syner liebis erbin addir kyndere ouch nymme syn wûrden vnde von todis wegin weren vorscheiden, denne so sullen dy burger, dy denne zcû den czithen den ratstul besiczezen werden, dy vnde alle yre nochkomelinge den obgeschriben czins — dorvmbe denne selbir alle iar ierlichen, dy wile sy den czins nicht widder abegekoufft hetten, gewant koufenn vnde das yo so uff den genanten sente Michelstag vnde das so do mytte vnuorczo-gelichen holden, alzo hie vor berurt vnde geschriben steit, armen luten gebin durch gots wille czu troste vnde czu selikeit des genanten Nickel Schochers selin, Dorothean syner hûzvrawen selen, iren erbin vnde zcu troste allen den von den sy y<sup>o</sup> bekummen sint. Wurdes ouch sache, das die stat den vorgeschriben czins vir schog groschen widder abekoufen welden addir widder abe in zcûkûmftigen czieten koufen wurden, daz mag wol gesyn, so daz denne die burger, dy denne in dem rate sitezin werden, acht vnde virczik schog groschen guter behemischer groschen dorvmbe widder gebin vnde beczalen, wenne der oftegnante Nickel Schocher acht vnde virczik schog groschen gâp vor dy vir schog czinses, do her sy widder den râd koufte, so daz denne [die] burger vmbe dy acht vnde virczik schog widder koufen sullen vir schog groschen ierlichs czinses uff guten vnde gewissen erbegûtern, vnde sullen denne yô dy burger vmbe dy vir schog czinses vort alle iar so hin gewant koufen vnde das armen luten dârch gotz willen gebin allis uf sente Michels tag —. Vnde daz wir alle disse sachen koufe rede vnde artikele vnde eyn itzlichs besundern stet vnde gantz vnuorbrochen halden wollen vnde halden sullen, das globin wir vorgeschrebin burgermeister vnde ratmanne vor vns vnde alle vnsre nochkomelinge — by<sup>o</sup> vnsern guten truwen, vnde